



Број: 01/4-50-3-4-63/18
Сарајево, 18. 4. 2018.

Z A P I S N I K

63. sjednice Komisije za finansije i budžet Predstavničkog doma Parlamentarne skupštine BiH, održane 17. 4. 2018, od 11 do 12,20 sati.

Sjednici Komisije prisustvovali su članovi: Predrag Kožul, Salko Sokolović, Nenad Lalić, Mirsad Isaković, Amir Fazlić i Jasmin Emrić.

Sa sjednice Komisije odsustvovali su: Aleksandra Pandurević, Damir Bećirović i Dušanka Majkić.

Sjednici su, također, prisustvovali: Ranko Krsman, zamjenik generalnog revizora, i Adla Duraković-Čopelj, revizorka za finansijsko upravljanje u Uredu za reviziju institucija BiH, Selvira Hodžić-Obhodaš, stručna savjetnica u Uredu koordinatora za reformu javne uprave u BiH, Zoran Brkić, viši stručni saradnik u Odjelu za informiranje Sektora za odnose s javnošću Sekretarijata PSBiH, Dalibor Bodven, stručni saradnik u Uredu sekretara Komisije za ostvarivanje ravnopravnosti spolova PSBiH, te Vlade Srdanović, stručni saradnik u Uredu sekretara Komisije za finansije i budžet Predstavničkog doma PSBiH.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

DNEVNI RED

1. Usvajanje Zapisnika 62. sjednice Komisije;
2. Razmatranje Izvještaja o aktivnostima Ureda za reviziju institucija BiH za 2017. godinu (sačinilac: Ured za reviziju institucija BiH);
3. Razmatranje Zbirnog izvještaja o paralelnoj reviziji učinka o temi javnih nabavki (sačinilac: Ured za reviziju institucija BiH);
4. Razmatranje Informacije o smanjenju poreza i doprinosa te parafiskalnih nameta i njihova harmonizacija na prostoru Bosne i Hercegovine (sačinilac: Ured koordinatora za reformu javne uprave);
5. Razmatranje dopisa Ministarstva odbrane BiH, od 26. 3. 2018.

Predloženi dnevni red usvojen je jednoglasno.

Ad. 1. Usvajanje Zapisnika 62. sjednice Komisije

Zapisnik 62. sjednice Komisije usvojen je jednoglasno, bez primjedbi.

Ad. 2. Razmatranje Izvještaja o aktivnostima Ureda za reviziju institucija BiH za 2017. godinu (sačinilac: Ured za reviziju institucija BiH)

Izvještaj o aktivnostima Ureda za reviziju institucija BiH za 2017. godinu obrazložio je Ranko Krsman, zamjenik generalnog revizora u Uredu za reviziju institucija BiH.

Potom je predsjedavajući Komisije otvorio raspravu u kojoj su učestvovali: Salko Sokolović, Mirsad Isaković, Predrag Kožul, Nenad Lalić i Ranko Krsman, zamjenik generalnog revizora u Uredu za reviziju institucija BiH.

Nakon rasprave, Komisija je jednoglasno prihvatila Izvještaj o aktivnostima Ureda za reviziju institucija BiH za 2017. godinu.

Također, Komisija je na prijedlog Mirsada Isakovića, s pet glasova „za“ i jednim glasom „suzdržan“, usvojila sljedeći zaključak:

„Komisija za finansije i budžet Predstavničkog doma Parlamentarne skupštine BiH predlaže Uredu za reviziju institucija BiH da izvrši specijalnu reviziju u Izvozno-kreditnoj agenciji BiH, čiji je osnivač Bosna i Hercegovina, uzimajući u obzir da Izvozno-kreditna agencija BiH trenutno ne obavlja svoju funkciju, zbog problema koji su nastali u poslovanju ove institucije.“

Ad. 3. Razmatranje Zbirnog izvještaja o paralelnoj reviziji učinka o temi javnih nabavki (sačinilac: Ured za reviziju institucija BiH)

Zbirni izvještaj o paralelnoj reviziji učinka o temi javnih nabavki obrazložio je Ranko Krsman, zamjenik generalnog revizora u Uredu za reviziju institucija BiH.

Predsjedavajući je potom otvorio raspravu u kojoj su učestvovali: Salko Sokolović, Predrag Kožul, Jasmin Emrić i Ranko Krsman, zamjenik generalnog revizora u Uredu za reviziju institucija BiH.

Nakon rasprave, predsjedavajući Komisije konstatirao je da je Komisija primila k znanju materijal u vezi s ovom tačkom dnevnog reda.

Ad. 4. Razmatranje Informacije o smanjenju poreza i doprinosa te parafiskalnih nameta i njihova harmonizacija na prostoru Bosne i Hercegovine (sačinilac: Ured koordinatora za reformu javne uprave)

Informaciju o smanjenju poreza i doprinosa te parafiskalnih nameta i njihovoj harmonizaciji na prostoru Bosne i Hercegovine obrazložila je Selvira Hodžić-Obhodaš, stručna savjetnica u Uredu koordinatora za reformu javne uprave u BiH.

Potom je predsjedavajući Komisije otvorio raspravu u kojoj su učestvovali: Mirsad Isaković, Jasmin Emrić, Predrag Kožul i Selvira Hodžić-Obhodaš, stručna savjetnica u Uredu koordinatora za reformu javne uprave u BiH.

Nakon rasprave, predsjedavajući Komisije konstatirao je da je Komisija primila k znanju materijal u vezi s ovom tačkom dnevnog reda.

Ad. 5. Razmatranje dopisa Ministarstva odbrane BiH, od 26. 3. 2018.

Predsjedavajući Komisije konstatirao je da je Komisija primila k znanju materijal u vezi s ovom tačkom dnevnog reda.

Ad. 6. Tekuća pitanja

Predsjedavajući Komisije upoznao je članove da je deset institucija BiH, koje su dobile mišljenje s rezervom po finansijskoj reviziji za 2016. godinu, postupilo po zaključku Komisije, odnosno Predstavničkog doma Parlamentarne skupštine BiH, i dostavilo informacije o realizaciji revizorskih preporuka.

S obzirom da je Predstavnički dom Parlamentarne skupštine BiH ranije pozivao predstavnike deset institucija BiH i već razmatrao realizaciju preporuka iz revizorskih izvještaja, članovi Komisije usaglasili su se da odgovore institucija o realizaciji revizorskih preporuka iz Izvještaja o reviziji finansijskog poslovanja za 2016. Komisija primi k znanju na sljedećoj sjednici, na kojoj neće biti neophodno prisustvo predstavnika deset institucija.

Sekretar Komisije

Željko Kosmajac

Predsjedavajući Komisije

Predrag Kožul

Prilog: Neautorizirani transkript 63. sjednice Komisije za finansije i budžet PDPSBiH.